

ادبیات عمومی و مجریه


هفته‌لقی سیاسی، ادبی و علمی غزته‌در.

جلد : ۱

سنه : ۱ ۲۷ صفر ۱۳۳۵ جمعه ایرتسی ۱۰ کانون اول ۱۳۳۲ نومرو ۸

[صدر ایسویه راعیانه رئیس سابقی سعید پاشا مره‌ومک،
اک کوزل و اک مکمل سفارتنامه من اولاده غالب پاشا مخطومه من مقررده
طرزنامه رشاد فتواریلک افندی به خطاباً یازمه اولدقلری غیر منتشر
مکتوبی آتی به درج ایریریله. بوکونه قدر غیر مطبوع اولاده اوکومک
سفارتنامه‌لک ده کلامک نسخده مزده باشمدا یاقینی تبشیر ایریرز.]

اجناد سموثرادلرندن صالح ملا علیه رحمة‌الملك الاعلانک ترجمه حالی استنساخ اولمغله نسخه
اصلیه اعاده قلندی. خاندان کرامیلرینک اعظم اعضاسنه متعلق بر اثر ذی‌عبرتله مخلصلرینی وایه‌مند
وقوف بیوردقلرینه نه‌قدر تشکر اولنسه آزدر. بوراده مناسبتی یوق اما هر مضمیری اظهاره مساعد
وسائل و ازمنه ذاتاً هرکسه میسر اولمدیغنی دوشنه‌رک ولهذا وجه تعلق ارامیه‌رق بر شی‌دها
یازه‌جغم: بوندن اون آلتی سنه اول احسان ایتدیکنز سفارتنامه غالبی حالا اعاده ایده‌مدم.
معلومدرکه دول علیه اوروپا جمعیت دولیه‌سنه. دخولدن مقدم دول غربیه‌دن بعضیلری نزدینه
وقتاً بوقه سفرای فوق‌العاده کوندرمشدرکه بونلر اون سکنز ذاتدر واون دردی سفارتنامه نامیه
مخطومه‌لر یازمشلردر. اک مدققاته یازیلن سفارتنامه ایسه غالب پاشانککیدر. یازق که ناقص قالشدر.
مشارالیه کرچکدن دیپلومات و اصول تدبیر مملکتده ماهر، بناءً علیه نزد دواتده موقر ایمش؛
حتی سلطان سلیم ثالث بر کون باب عالی‌یه کلیر، بعض مصالح مهمه خارجه مذاکره‌سندن صکره
اولوقت امدجی یولنان بوغالب افندی‌نی وسعت اقتدارینه بناءً سفارت فوق‌العاده ایله پارسه مأمور



طعام ایتک فن ویا صنعتی

احمد رسم بک افندی به اتحاددر .

بوکون اجتماعیاتدن، یارین سیاست جاریه دن بحث ایدن بر محررک بردن بره طعام ایتک کبی بر ماده فی موضوع مقال ایتسی غریب کورمه ییکز . واقعا ، آداب معاشرتدن بحث ایتک آداب معاشرته مغایر در دیرلر . حتی ، لطفی سیماوی بک افندی [صباح] رفیق مزده بو مساله دائر بعض فقرات ایله آبرجه بر اثرده نشر ایتدیکی وقت اکثریت قارئین بز ارکان و تربیه نک جاهلی می بز ؟ سؤالی ایراد ایله دیدی قودی به ابتدار ایتشلردی . بو نازک مسئله به طوقومیه لم ، و ، لطفی بکه بیک کره حق ویردکن صکره ، بزده ، معاشرت مبحثی اوزرنده بر آاز طوره لم .

عطا تاریخی او قودی کز می ؟ قدیمآ سرای های بونه مخصوص تام اسکی آلا تورقه بعض اصول و عادات واردی . عطا بک مرحوم آداب مشی و حرکتک ، ارکان شرب و طعامک ، الی آخره ، سرایجه سنی بر آاز اسکی بروادیده ، لکن موجز بر صورتده یازمشدی . اجداد من ، سرای تربیه سنی هر وقت تمشقی ایدرلردی . اعظم دوائری سرایک کوچک برر مودلی ایدی . بیوک قوناقلردن چراغ ایدیلرک ده نخبه مقاصدی افندیلرندن کوردکلری تربیه دائره سنده ، اولرنده تنظیمانده بولونمقدی . اسکی رومالیر یمک ویتاق اوطه لرینک تنظیماتنه نه قدر دقت واعتنا ایدرلر ؛ او محالری هیکلر و چیچکلرله نه قدر تزین و ترصیع ایدرلردی ! خانه لرینک اک سوسلی اوطه لری بوللردی . [تاسیت] تاریخی ، و [ژان ریشپن] ک حکایه قلقلی تصویراتی مدعیانری انبات ایدر .

لکن ، صوک زمانلرده آلا تورقه طاوسادی ، آلا فرانغه به رغبت آرتدی . آلا تورقه اهل ایدلری ؛ آلا فرانغه نک اخذ و اتحالنده کمالیه موفقیت حاصل اولمادی . بناء علیه طعام ایتک فن ویا صنعتی لایقیله اوکره نیله مدی . اوت ! بو فن ویا صنعت تعلم ایدبله مدیکندن بوکون بو شعبه معرفتک جهلاسنه زیاده سیله تصادف ایدیورز : لقمه لر قوجامان ، آغیزلر و مندن اوچقات فضله آچیلور ؛ اثنای طعامده بریغین جوروک دیش شهر ایدیور . آغیز طوس طولو ایکن لقلقه خصوصنده اولسون بر متارکه قرار کیر اولیور . بو اثناده مخاطبک یوزینه پرنج دانه لری ، قیریلر و قس علیه البواقی ایشار ایدیلیور .

چتال ، بیچاق قوللانق ، جوربا ایچمک ، خصوصیه مسئله مهمه شرب دخان بولر برر صنعت نفیسه در . انسان ، همزاد اوله رق ارکان دائره سنده یمک یمک قابلیت حائز دکدر . هله ، بو صنعته منتسب اولمانلرک عمومی یرلرده ، ضیافتلرده آلدقلری وضع و طور شایان قید و نظر در . بر غربلی ، بر بیوک اوتلده شماتسز طعام ایدر ؛ بر شرقی او قدر ولوله ایله و طیفیه ا کولیتی ایفا ایدرکه

مادامکه یمک یمک خصوصنده ارکان غریبه بی قبول ایتشز ؛ آرتق بونک ضروریاتی ده عینله آلمی ز . واقعا غرب مدینتک کلری اولدینی کبی دیکلری ده یوق دکدر . لکن آداب اکل و شرب دیکن قیلندن تلقی اولونه مار .

ظریف و نرمین برقادین آلینک ، اینجه طاقملر و اوانی ایله آراسته بر ماصه نک باشنده ، لطیف و شیرین آغزینی آچهرق ، حتی ، بیاض و دورکون ، ایکی مصراع مصراع کبی دیشلریتی کوستره رک یمکاره طوقونمی بر - شاه اثر - در .

بوکا مقابل ، مثلا ، یوقاریده تصویر ایتدیکمز درجه ده کوزل و شیرین بر مخلوق مسقتنا ، معاشرت بابنده واجل اولسی اعتباریله ، نه ملاحتی کوستره بیلور ، نه ده قابلیت . آوورتلر شیشیور ؛ لقمه لر بر کوفته قدر بیویور ؛ آغیز جوق آجیلور و شاپردیور ؛ بوآره لاق کوزلک ده عاداتناقص ایدیور . حالبوکه ، اقالیم غریبه ده ، نصف کوزلار ، حتی کوزل اولیانلر بیله دقائق معاشرته مراعاتکار اولدقلرندن کبی بر ملاحت بیله ایدیورلر .

جوق دفعه ، اعتراف ذنوب ایدیم ، ژان ژاق روسو کبی معایمی سویلیهیم - فن و صنعت طعامک نادانی اولان اودا ایله بر سفره ده بولوندیغم وقت بکا بر طور غوثلق ، بر بونلک ، بر تیتیزلک کلیور و حضورلری ایله مشرف اولدیغم ذوات جف القلم عصیلکمه حکم ایدیورلر .

طعام ، بر متارکه در . او اثناده هر درلو قیل وقال ، شمات و غوغا ، حتی حرارتلی مباحثه ، بالخاصه خدامی مؤاخذه منقطع اولمی ، اذواق کونا کون دهردن بری اولان طعام ایتک حتی احقاق ایدیلیدر . هر دقیقه حیات بر جدال و منازعه در ؛ یمک ائناسنده ده آشجی ویا خدمتجی ایله غوغا ایتک ! طوغریسی ، حیاتی افساد و اخلاصدن بشقه برشی تلقی ایدیله من . فن طعام ، علوم آلیه و عالیه دن بریدر ؛ استاددن تعلمه متوقفدر . آن واحده اوکرئلز . دقته ، اهتمامه ، تمرینه و حتی مسابقه و امتحانه وابسته در . اسکیدن دائره لر مرزه کیرن چتر فیالره بوارکان و آداب بر درس اولقی اوزره اوکر تیلیرمش . هانی اوکونلر ؟

مقاله منری مقدمه مزده ایلری سوردیکمز فکر ایله ختامه ایردیرلم ؟ آداب معاشرتدن بحث ایتک منافی ادب و تربیه صایلمیلیدر . خصوصا که محتاجی بولندیغمز بر خصیصه بی موضوع مذاکره ایتدیکمز وقت ! بیوک ایشلره توسل ایتمه دن اول برآز Terre à terre اولم ؛ ابتدا یمک یمه بی ، صکره یورومه بی تعلم ایدیم . مشی و حرکتی بیلمدکجه دائما ترقیات و تکاملاتده نصل خطوه انداز اوله بیلیرز ؟

پروتستو ایدرم : مقاله م مواد عادییه تعلق ایتیور . Lieu commun دکدر . اوله ظن ایدیلورسه یمکه تشریف بیورلسون کورورز .

مهرل نوری

